

## СЛАВА: ГЛАС ТОЙЖЕ:

Мученик божественный лик,/ Церкви основание,/ благовестию скончание,/ вы делом Спасова глаголения исполните:/ вами бо врата ада на Церковь отверзшаяся заключишася,/ крове ваша литие идоляския жертвы изсуши,/ закляние ваше породе Церковное исполнение,/ безплотных удивисте, Богу венценосцы предстоите:// Егоже непрестанно молитесь о душах наших.

## И НЫНЕ, БОГОРОДИЧЕН, ГЛАС 8:

Царь Небесный/ за человеколюбие на земли явися,/ и с человеки поживе:/ от Девы бо Чистыя плоть приемый,/ и из Нея прошедый с восприятием:/ един есть Сын, сугуб естеством,/ но не ипостасию./ Тем же совершенна Того Бога,/ и совершенна Человека воистинну проповедающе,/ исповедуем Христа Бога нашего:/ Егоже моли Мати Безневестная,// помиловаться душам нашим.

### И ныне: Догматик, глас 8

Знаменного роспева

Царь Не - бес - ный, за че-ло-ве - ко - лю - би - е на зем - ли я - ви - ся, и с че-ло - ве - ки по - жи - ве: от Де - вы бо Чис - ты - я плоть при - е - мый, и из Не - я про - ше - дый

